



MBOA A OFIR SOR

WATSON GOODMAN
HYEHYEE

WODZE MA KWA—WONNTON

Wɔayɛ “MBOA A OFI SOR” kakraba ama eetum dze ahyɛ wo ho na akenkan ber a erotweɔn hɛn. Wɔapa nsempɔw esisi hɔ na wɔahwehwɛ Nwoma Krɔnkrɔn no mu nsem ahorow ahyehyɛ asempɔw kor biara ase. Wɔgye dzi de kyerewsem nkyerekyeremu nye Nwoma Krɔnkrɔn no ara.

Nyankopɔn N’Asem “fi sor” na ɔyɛ mboa kɛse ma akoma horow a tsenenee ho ɔkɔm na nsukɔm dze hɔn. Sɛ obi nu noho na ɔpɔw bɔn, na ɔdze n’akoma nyina gye Ewuradze Jesus Christ N’Agyenkwa dzi a, Ewuradze beyi Noho akyerɛ no na ɔdze Noara Ne dɛw na asomdwee ahyɛ no ma. Afe 1937 na mosɔɔ dem adze yi hwɛe, na ofi dem aber no menyɛ Ewuradze edzi nkitsaho ebodu ndɛ. Mɛhyɛ wo de gyaa wo ho ma No SESEIARA, sɛ emmfaa wo ho mmaa No dada a.

— Watson Goodman

John 13:1

Na ansaana apaho afahye no rubodu no, Jesus nyim de no don edu de oribefi wiadze yi mu ako Egya nkyen no, odoo nankasa nedze a wowo wiadze no, odoo han kesii ewiei.

John 3:16

Na mbre Nyankopon doo wiadze nye yi, de odze ne Ba a owoo no kor no mae, ama obiara a ogye no dzi no oannhera, na oeenya onnyiewiei nkwa.

Nyikyere 1:5

Nye Jesus Christ a oye dasefo nokwafo, ewufo mu abakan, nye asaase do ahemfo han do hwedo-

fo no nkyen, nka hom. Nyia odo hen, na odze no bogyaa saan hen fii hen bon mu.

John 15:13

Obi nnyi do a oso kyen yi, de obi dze no nkwa boto ho ama ne nsefo.

Jeremiah 31:3

Ewuradze yii noho kyere me tsetse, de, Ampaara, mado wo odomankoma do: dem ntsi na medze adaye matwe wo.

Romefo 5:8

Na Nyankopon kyere no do wo hen do de yeda ho ye ndzebo-nyefo no, Christ wui maa hen.

John 14:9, 10a

Jesus see no de, Ana menye hom wo ho dadaada yi, innyim me, Philip? Nyia oehu me no, oehu Egya no; na oye den na ese de, Kyere hen Egya no? Ana enngye nndzi de mowo Egya no mu, na Egya no so wo mo mu?

John 1:1

Ahyese no na Asem no wo ho, na Asem no nye Nyankopon wo ho, na Asem no ye Nyame.

1 Timothy 3:16

Na oho nnyi ekyingye de nyamesom esumasem no so; ono woda no edzi wo honam mu, wobuu no bem wo sunsum mu, abofo hun no, woboo no dawur wo a-

manaman mu, wogyee no dzii wo wiadze, wofaa no kor sor wo enyimnyam mu.

Micah 5:2

Na owo, Beth-lehem Ephra-
thah, wo a isuar de ebofora Israel mpempem mu, wo mu na obi be-
fir ama me, na oebedzi panyin
wo Israel do; no mpuei fir tsetse,
ofir odomankoma.

Matthew 1:22, 23

Na yinom nyina aye ho, ma dza Ewuradze nam nkonhyenyi no do kae no aaba mu de, Hwe, obaabun benyinsen, na oawo babanyin, Na woboto no dzin Immanuel a ne nkyerese nye de, Onyame nye hen wo ho.

Matthew 8:29

Na hwe, watsēaa mu see de, Yenye wo wo eben ye, owo, Nyankopon Ba? Ana ebaa ha de erebehaw hen ansaana ber no edu?

1 John 4:15

Obiara a opaa mu kã de Jesus nye Nyankopon Ba no, Nyankopon tse no mu na ono so tse Nyankopon mu.

Colossaefo 2:9

No mu na Nyameyesu n'amaye no tse wo nyimpadua mu.

Isaiah 9:6

Na wawo oba ama hen, wama hen obabanyin; na ahendzi

no beda ne batsir do: na wɔbɛfre ne dzin Opamfo Nwanwanyi, Onyame Katakya, Odomankoma Egya, Asomdwee Hen.

Matthew 17:5

Na oda do rekasa no, hwe, mununkum hyenn bekataa hon do, na hwe, ndze fi mununkum no mu see de, Oyi nye mo Doba a oso m'enyi: hom ntsie no.

Luke 1:35

Na bofo no buae see no de, Sunsum Kronkron beba wo do, na nyia owo sorsor no n'ahoodzen bekata wo do: dem ntsi so adze kronkron a wɔbɔwo no no, wɔbɛfre no Nyankopon Ba.

JESUS KYERE HEN NE NYIMPA BAN

John 13:13

Hom frɛ me Kyerɛkyerɛfo nye Ewuradze, na hom kã no yie, o-siande meye dem.

John 10:7

Dem ntsi Jesus see hɔn bio de, Nokwar, nokwar, mese hom de, emi nye nguan no abow no.

John 11:25

Jesus see no de, Emi nye wu-nyan no nye nkwa no: nyia ogye me dzi no, owu mpo a, obetsena ase.

John 8:23

Na osee hɔn de, Homdze, hom fi famu dze mu; emidze, mifi o-

sor dze mu; homdze, hom fi wi-adze yi mu; emidze, mimmfi wi-adze yi mu.

John 9:5

Mowo wiadze yi, emi nye wi-adze ne kan.

John 6:35

Na Jesus see hɔn de, Emi nye nkwa paanoo no: nyia oba mo ho, okom renndze no da, na nyia ogye me dzi no nsukom renndze no da.

John 8:58

Jesus see hɔn de, Nokwar, nokwar, mese hom de, ansaana Abraham rebeba no, nna mowo ho.

ANWANWADZE A JESUS YEE MU BI 5

Luke 5:4-6

Na ogyaa kasa no, osee Simon de, Kwan ko mbre odo, na hom nkogu hom asawu mfa nam. Na Simon buae see de, Yewura, yeaye edwuma anafua yi nyina, na yeennya hwee; naaso w'asem ntsi mubogu asawu no. Na woyee dem no, wobumaa nam pii, ma hon asawu retsetsew.

Matthew 14:19-21

Na ohyee nyimpadodow no de wontsenatsena mpɔnkɔfuw no do, na ofaa paanoo enum no, nye esu-nam ebien no, na ohwee sor no, ohyiraa do, na obubui, na odze

paanoo no maa n'esuafo no, na n'esuafo no dze maa nyimpadodow no. Na hon nyina dzidzii mee; na wotasee mporoporoba a okae no, nkentsen duebien amaa-ma. Na hon a wodzidzii no, wobe-ye mpemenum, mbaa nye mbofraba mmfora.

Matthew 20:30 na 34

Na hwe, enyifurafo beenu a wotse kwan nkyen no, wotsee de Jesus rutwa mu no, wotsēatseaa mu de, Ewuradze, David ba, hu hen mbɔbɔr. . . Na Jesus ne yamu hyehyee no wo hon ho, na okāa hon enyiwa, na ntsemara wobun adze na wokaa no do.

6 JESUS CHRIST NYE ỌBỌFO NA EWURADZE

Colossaefo 1:16

Osiandɛ no mu na wɔbɔɔ adze nyina, dza ɔwɔ sor nye dza ɔwɔ asaase do, dza wɔhu nye dza wɔnnhu, ahendzi o, wuradzi o, mpanyindzi o, tumdzi o, adze nyina wɔnam no do bɛe, na wɔbɛe maa no.

John 1:3

Wɔnam no do yɛɛ adze nyina na woennkwetsi no anyɛ biribiara a wɔyɛɛ.

1 Corinthfo 1:9

Nyankopɔn a wɔnam no do afre hom aba ne Ba hen Ewuradze Jesus Christ anyɛnkoyɛ mu no, ɔyɛ nokwafo.

Hebrewfo 1:2

Nyankopɔn. . . nda a odzi ekyir yi mu ɔakasa akyerɛ hen wɔ ne Ba mu; ɔno na ɔahyɛ no adze nyina odzifo a ɔnam no do so yɛɛ wiadze.

Romefo 14:9

Na iyi ntsi na Christ wui na ɔsoɛree baa nkwa mu, ama ɔaaye ewufo nye atseasefo hen Ewuradze.

Ndwuma 2:36

Dem ntsi, wɔmma Israel fie nyina nhu ampa de Jesus yi a hom bɔɔ no mbeamudua mu no, ɔno na Nyankopɔn aye no Ewuradze nye Christ.

JESUS CHRIST NYE OTSEMBUAFO ABOSO NO 7

Romefo 2:16

Wo da a Nyankopon nam Jesus Christ do bobu nyimpa esumansem atsen de mbre me nsempa tse no.

Luke 3:17

Ono na no nhuwdo-apaawa kitsa ne nsamu, de arebepa ne famu ho kofee, na aboaboa n'ewifua ano ekogu san do, na ntsew no adze gya a onndum ahyew.

Matthew 25:32

Na woboboaboa amanaman nyina ano wo n'enyim, na obepaapaa hon mu de mbre oguanhwefo paapaa nguan nye mponkye mu.

Romefo 14:10

Na owodze, oye den na ibu wo nua atsen? Anaaso owodze, oye den na ibu wo nua enyimtsia? Na hen nyina begyina Nyankopon asendzii gua no enyim.

2 Timothy 4:1

Midzi wo adanse wo Nyankopon nye Jesus Christ a obobua atseasefo nye ewufo atsen, wo ne mfirmi nye n'ahendzi no mu no enyim de.

Ndwuma 10:42

Na ohyee hen de yenka nkyere oman no, na yendzi dase de ono nye nyia Nyankopon ahye no atseasefo nye ewufo otsembuafo.

8 NKWAGYE FIR CHRIST NKOTOO

1 Thessalonicafo 5:9

Na Nyankopon ennyi hen a-
nto ho amma ebufuw, na mbom
de yebanya nkwagye a onam
Christ do.

John 10:9

Emi nye abow no; emi na se o-
biara nam mo do ko mu a, wobe-
gye no nkwa, na oboko mu befir,
na obenya edzidzibea.

John 14:6

Jesus see no de, Emi nye okwan
no, nye nokwar no, nye nkwa no;
obi mmba Egya no ho, gyede o-
nam mo do.

John 8:24

Dem ntsi mesee hom de hom
bowu wo hom bon mu: se hom

nngye ndzi de emi nye ono a,
hom bowu wo hom bon mu.

Ndwuma 4:12

Na nkwagye nnyi obiara so
mu: eso dzin fofor biara nnyi wi
yi ase a wodze ama wo nyimpa
mu a otwar de wogye hen nkwa
wo mu.

Hebrewfo 7:25

Dem ntsi so otum gye hon a
wonam no do ba Nyankopon ho
no koraa, de otse ase daa de odzi
ma hon ntsi.

Hebrewfo 5:9

Na onyae dzii mu no, obeyee
onnyiewiei nkwagye farbaa ma
hon a wotsie no nyina.

NKWAGYE FIR CHRIST NKOTOO

9

Colossaefo 1:12-14

Na hom aada Egya no ase, ono a sama yease de yeeye ahotsewfo a wowo kan mu no hon e-gyapadze fafafo no; ono na oyii hen fii sum no tum no ase, na adze hen baa no Doba n'ahendzi no mu; no mu na yeenya pon onye bonfakye.

Luke 19:10

Na nyimpa Ba no baa de orobohwehwe na abegye dza ayew no.

1 Corinthfo 1:30

Na ofi no mu na hom wo Christ Jesus mu, ono na wofi Nyanko-

pon mu aye no nyansa nye tsene-nee, nye ahotsew, nye opon ama hen.

Titus 2:14

Ono a adze noho mae maa hen, ma oapon hen efi emumuye nyina mu, na oatsew oman a oye nankasa nedze a obo ndwuma papa ho mbodzen ho.

Nyikyere 5:9

Na wotoow ndwom fofu: bi de, Owo na efata de egye nwoma no, na etsew no nsowano no: osiande wokum wo, na edze wo bogyaa too binom maa Nyankopon, wofi mbusuakuw nye kasa, nye nkorofo, nye aman nyina mu.

10 CHRIST NO BOGYAA AKA HEN ABO MU

1 John 1:7

Na se yenantsew kan mu de mbre ano owo kan mu no a, yenyinya nkitabodzi wo hen mu, na ne Ba Jesus Christ bogya no tsew hen ho fi bon nyina mu.

Matthew 26:28

Na iyi nye mo bogyaa a oye ahyemu no dze a dodowara ntsi woruhue egu ama bonfafir.

1 Peter 1:18, 19

De hom nyim de wammfa ndzemba a opraw, dwete anaa sika, na wodze gyee hom fii hom abrabo huhuw a hom egyanom dze gyaa hom; na mbom Christ bogya a osom bo no a, de eguambaa a dzem nye nkekaa nnyi no ho.

Romefo 5:9

Dem ntsi afei mbom a woedua no bogyaa do ebu hen bem yi, wonam no do begye hen nkwa efi ebufuw no mu.

Ephesusfo 1:7

No mu na yenam no bogyaa do enya hen pon yi, mekyere bonfakye a onam n'adom ahonya do a.

Hebrewfo 9:14

Mpen ahen ara na Christ a onam onnyiewiei Sunsum no do yee noho aforbodze a nkekaa nnyi ho maa Nyankopon no, no bogyaa nketsew hom tsibowa ho efi ndwuma a nkwa nnyi mu ho akosom Nyankopon tseasefo?

NKWAGYE MU GYEDZI WO CHRIST MU 11

John 6:28, 29

Na wɔsee no de, Eben na ye-nye na yaaye Nyankopɔn ndwuma? Jesus buae see hon de, Iyi nye Nyankopɔn edwuma, de hom begye nyia onoara somaa no no edzi.

John 20:31

Na wɔakerew yinom ama hom aagye edzi de Jesus nye Christ no, Nyankopɔn ne Ba no, na hom gye dzi a, hom eenya nkwa wo ne dzin mu.

1 John 5:4

Osiande biribiara a Nyankopɔn awo no odzi wiadze do konyim: na iyi nye konyim a oedzi wiadze do nyim no, mekyere hen gyedzi.

Ephesusfo 2:8, 9

Na adom na wɔdze nam gyedzi do agye hom nkwa; na ommfir homankasa: Nyankopɔn akyedze a: ommfir ndwuma mu, amma obia-ra aannhyehye noho.

Romefo 5:1

Na afei wɔnam gyedzi do ebu hen bem ntsi, hom mma yendua hen Ewuradze Jesus Christ do nnya Nyankopɔn afamu asom-dwee.

Galatiafo 5:6

Na Christ Jesus mu dze, nnye twatsiatwa, anaa monomonome, na oye biribi, na mbom gyedzi a onam odo do ye edwuma a.

12 NYANKOPON NO MBOBORHU

Ndwom 103:17

Na Ewuradze mboborhu dze ofi daa kesi daa ma hon a wosuro no, Na ne tsenenee kodu mba hon mba do.

Kwadwom 3:22, 23

Ewuradze n'ehumbobor ntsi na yennhyewee yi, osiande n'ayamuhyehye mmpa da. Woye fofor anapa pem nyina; wo nokwardzi so.

Titus 3:5

Ommfi tsenenee mu ndwuma a yeye, na mbom ofi noara n'ehumbobor, na onam awofofor eguar nye Sunsum Kronkron foforye do gyee hen nkwa.

Hebrewfo 4:16

Dem ntsi hom mma yemfa ndam mbra adom ahengua no enyim na yeenya ehumbobor na yeehu adom a oboa hen ber a o-hia mu.

Ndwom 103:11

Na de mbre osor kron bo asaa-se do no, Demara so na no mboborhu so wo hon a wosuro no do nye no.

Micah 7:18

Woana nye Onyame a otse de owo a odze emumuye fir, na opa n'egyapadze nkaa no hon mbrato ho? Onnsie n'ebufuw daa, osiande mboborhu na ope.

NYANKOPON DE YEMBRA NO HO

13

Matthew 11:28

Hom nyina hom mbra mo ho, hom a hom reye edwuma bere na wɔsoa hom dza ɔye dur, na mebema hom ahomgye.

Nyikyere 22:17

Na Sunsum nye ayefor no se, Bra. Na nyia ɔtse, ɔnse de, Bra. Na nyia nsukom dze no ɔmbra: obi a ɔpe, ɔmbra mbefa nkwa nsu no kwa.

Isaiah 55:1

Ao o, obiara a nsukom dze no no, hom mbra esu no ho, na nyia onnyi sika; hom mbra mboto, na hom ndzi; nyew, hom mbra mboto wenyin na numfonso a wonndze sika na wonntwa bo so.

John 7:37

Na da a odzi ekyir no a ɔye afahye no ne dapon no Jesus gyinae tsɛaa mu de, Se nsukom dze obi a, wɔmma ɔmbra me nkyen mbonom.

Isaiah 1:18

Afei hom mbra ma yenkekã e, Ewuradze na ɔse: kaansa hom bon tse de adaaben mpo a, ɔboho de esukwankyeba; kaansa ɔber de bogyaben mpo a, ɔbeyɛ de guannhwi.

Luke 14:17

Na edzidziber durii no, ɔsoma n'akowaa de ɔnkese hon a wohyiaa hon no de, Hom mbra, na ndzɛmba nyina aye krado.

NNYE NKOROFO NYINA NA WOYE NYANKOPON MBA

1 John 3:10

Iyi mu na Nyankopon mba nye abansam mba da edzi: obiara a onnye dza otsen nye nyia onndo no nua no mmfir Nyankopon.

Na dodow a Nyankopon Sunsum gya hon no, hon na woye Nyankopon mba. Na hom ennya nkowaaye sunsum a hom dze bosuro bio, na hom enya abaye sunsum a yenam do tsea mu de, Abba, Egya. — Romefo 8:14, 15

Philippifo 2:15

Ma hom aaye nyimpa a wonnum hom, woye botoo, Nyame

mba a wonndzii ndzem wo mba-santsen kontonkye nkyeakyeae ne finimfin, hon mu na hom hyeren de nkandzea wo wiadze mu.

Na dodow a wogyee no no, omaa hon tum de wonye Nyankopon mba, mekyere hon a wogyee ne dzin dzi no a. — John 1:12

2 Corinthfo 6:17, 18

Dem ntsi Hom mfi hon mu mbra, na hom ntsew homho, Ewuradze na ose, Na mma hom nnka efidze; Na mebegye hom, Na maye Egya mama hom, Na hom aye me mbabanyin nye mba-baa, Ewuradze Tumfo na ose.

DZA NYANKOPON KA WO NSÄDZEN HO 15

Mbeusem 23:31, 32

Mma nnhwe nsã aber a saber no, Ber a oriyi n'enyi wo kooow mu no, Ber a orisian tromm no: Ewiei no osow de owo, Na odo de ehurutsia.

Isaiah 5:11

Wondue, hon a wosoe anapahema kedzi nsädzen ekyir; na wokyer anago bersae, ma nsã fram hon!

Romefo 13:13, 14

Hom mma yennantsew yie de adzekyee mu, nnye edzidzintrudu nye asabow mu, nnye ndwamanye nye atantandze mu, nnye a-

perper nye nyinkun mu. Na mbom hom nhye Ewuradze Jesus Christ, na mma hom nnhwehwe nnsie honam nhye n'akondodze mã.

Galatiafo 5:19-21

Na honam ndwuma no da edzi pefee, onye yinom: ndwamanye, efifidze, ahodew, abosonsor, abayisem, otan, mansotwe, ahoyaw, ebufuw, etutuwpe, mpaapaa-mu, ekuwbo, enyitan, asabow, asakasakagor, nye dza otsetse dem a meka kyere hom kotoo, de mbre maka akyere hom dada, de hon a woye dem ndzamba no rinnya Nyankopon ahendzi no.

16 NNYE NE NYINA NYE IDZI MBRA DO

Mbebusem 16:25

Okwan bi wo ho a oye de otsen ma nyimpa, Na n'ewiei ye owu akwan.

Mark 10:17-22

Na ofi ho sii kwan no mu no, obi tutuu mbirika bokotoow no, na obisaa no de, Kyerɛkyerɛfo pa, ebenadze na menye ma meenya onnyiewiei nkwa aye medze? Na Jesus see no de, Oye den na efre me papa? Obiara nnye papa gyede baako: ono nye Nyankopon. Inyim mbrasem no, Mma nndzi ewu, Mma nnto awar, Mma nnwia adze, Mma nngye dasewia, Mma nnsisi, Dzi w'egya

nye wo na nyi. Na osee no de, Kyerɛkyerɛfo, yinom nyinara mifitsi mo mbofraba mu na midzii do. Na Jesus hwɛɛ no no, odo no, na osee no de, Aka wo adze kor: ko koton dza ewo nyina fa kye ehiafo, na ibenya akoradze wo sor, na bra beka mo do. Na asem no ntsi omunae, na odze yaw koree: na oye nyimpa a owo ahonyadze pii.

Matthew 22:37, 38

Na osee no de, Do Ewuradze wo Nyankopon wo w'akoma nyina mu, nye wo kra nyina mu, nye w'adwen nyina mu. Iyi nye mbra no mu asem a odzi kan, na osõ.

MMA WONNDAADAA HOM

17

Ephesusfo 5:6

Mma obi mmfa nsenhun ndaadaa hom: na dem ndzemba yi ntsi na Nyankopon ebufuw reba seantse mba do.

Galatiafo 6:7

Mma hom ndaadaa homho; Onyankopon wonnsi no atwetwe; dza nyimpa dua no, onoara na obobu.

Galatiafo 6:3

Na se obi dwen noho de nye biribi, na onnye hwee a, oadaadaa noho.

1 John 3:7, 8a

Mbofra nkakraba, mma obiara ndaadaa hom: nyia nye dza ontsen no ontsen, de mbre no so tsen

no: nyia nye bon fir abonsam, osiande abonsam na ofi ahyese nye bon.

James 1:22

Na hom nye asem no ayefo, na mma hom nnye etsiefo nko ndaadaa homho.

1 Corinthfo 6:9, 10

Ana hom nnyim de hon a wonsen rinnya Nyankopon ahenman aye hondze? Mma wondaadaa hom: ndwaman, nye aboson-sorfo, nye awartofu, nye mbaakowaa, nye mbarimba a wonye honho da, nye ewifo, nye enyiberfo, nye asabokwafo, nye abondzekofo, nye apempensifo rinnya Nyankopon ahenman no.

Luke 15:32

Na ɔse de hen ho to hen, na yedzi dew: na wo nua yi, owui, na ɔtse ase bio: ɔyewee, na woe-hu no.

Mbebusɛm 11:19

Nyia otsim wo ndzeyetsenenee mu no, ɔbɔko nkwa mu: Na nyia ɔka emumuye do no, ɔye dze nya noara no wu.

Romefo 5:12

Dem ntsi de mbre bon nam nyimpa kor do baa wiadze, na owu nam bon do bae no, dem na owu twaa mu baa nyimpa nyina do, de hon nyina aye bon ntsi.

James 1:15

Na akondo no nyinsen a, ɔwo bon; na bon no wie nyin a, ɔwo owu.

Ezekiel 18:20

Ɔkra a ɔye bon no, ɔno na obowu: ɔba ronnsɔa egya n'emumuye; eso egya ronnsɔa ɔba n'emumuye; ɔtseneneenyi ne ndzeyetsenenee bɛtsena no do, na o-mumuyenyi n'emumuye atsena no do.

Romefo 8:6

Na honam adwen ye wu, na sunsum adwen ye nkwa nye a-somdwee.

Luke 7:14, 15a

Na ɔbae bekãa bonto no, na hon a wɔso no no gyinae; Na ɔsee de, Aberantse, mese wo de, Soer. Na nyia owui no, ɔsoeree, na ɔhyee ase kasae.

1 Corinthfo 15:3, 4

Na nsem a odzi kan a mo so minyae a medze hyee hom nsa nye de hen bon ntsi na Christ wui de mbre kyerewnsem no se; na de wosiee no, na ne ndaansa no wonyaan no de mbre kyerewnsem no se.

John 10:17, 18

Dem ntsi na Egya no do me, osiande medze mo nkwa moto ho na maafa no bio. Obi ngye no

me nsamu; na mbom mankasa na medze moto ho: mowo tum de medze moto ho, na mowo tum de mefa no bio. Akyedze yi na minyaa no m'Egya ho.

John 11:43, 44

Na ɔkãa dem no, ɔdze ndze kese tsãaa mu de, Lazarus, fir bra! Nyia owui no firii bae: nda mu atam kyekyer ne nan nye ne nsa, na duukuu kyekyer n'enyim: na Jesus see hon de, Hom nsan no, na hom mma ɔnko.

Nyikyere 1:18

Nye nyia ɔtse ase no; na muwui; na hwe, metse ase mbersantsen mfesantsen, na mukura owu nye samanadze nsaafee.

Deuteronomy 5:7-21

Mma nnya enyame bi so nnka mo ho.

Mma nnye ohonyi bi, adze a owo wimu osor, anaa dza owo asaase do famu, anaa dza owo nsu mu wo asaase ase no su biara ne saso mma woho: mma mmbɔ wo mu adze mma hon, na nnsom hon. . .

Mma mmbɔ Ewuradze wo Nyankopon dzin gyangyan na Ewuradze nnkema nyia obo ne dzin gyangyan afa nobo tototo.

Dwen ahomgyeda no do sie no kronkron, de mbre Ewuradze wo Nyankopon hyee wo no. Nda esia na ye edwuma na dzi wo

dwuma nyinara: na da a otsia esuon no ye Ewuradze wo Nyankopon ahomgyeda. . .

Dzi w'egya nye wo na nyi, de mbre wo Nyankopon hyee wo no.

Mma nndzi ewu.

Nkyii so nnto awar.

Nkyii so nnwia adze.

Nkyii so nngye wo nyenko ho dasewia.

Nkyii so mma w'enyi mber wo nyenko yer; nkyii so mma wo kon nndo wo nyenko fi, ne haban, anaa n'akowaa, anaa n'afonabaa, ne nantwi, anaa n'asoaso, anaa adze biara a oye wo nyenko dze.

Mbebusem 15:3

Ewuradze enyiwa wo mbea nyinara, Rowen ebusuyefo na apapafo.

Jeremiah 23:24

Aso obi botum ehuntsa noho wo huntsabea bi a emi murunnhu no? Ewuradze na ose. Ana mennhye osor na asaase ma? Ewuradze na ose.

Job 34:21, 22

Na n'enyiwa wo nyimpa n'akwan do, Na ohu no nkoree nyinara. Sum bi nnyi ho, na owu nwinwin bi so nnyi ho, Mbre emumuyefo dze honho bosuma.

Ndwuma 17:27

De wonhwewe Nyankopon, de bi a hon nsa bekã no, na woehu no, naaso onye hen mu biara nta-mu kwan ninwar.

Luke 8:17

Na biribi nnsuma a wonnkeyi no edzi, na onnhunta a wonnko-hu na onnkeda gua.

Ndwom 139:8 na 12

Se mofow ko sor a, ewo ho: Se mekesew me kete wo Sheol a, hwe, ewo ho. . . Sum mpo nnhuntsa wo, Na adzesaa ye kann de adzekyee: Sum na kan nyina ye wo adze kor.

Matthew 25:46

Na yinom boko onnyiewiei a-
mandzehu no mu, na nyimpa tse-
nenee no boko onnyiewiei nkwa
no mu.

Ndwom 9:17

Emumuyefo besan ako Sheol,
Mekyerε amanaman a hon were
fir Nyame nyinara.

Matthew 18:8

Na se wo nsa anaa wo nan to
wo fintsidua a, twa, na tow fi wo-
ho kyen: oye ma wo de edze aba-
sin anaa anansin boko nkwa mu
kyen de ewo wo nsa ebien nye
w'anan ebien, na wodze wo boko-
to onnyiewiei gya mu.

2 Peter 3:7

Na sor a wo ho sesei, nye a-
saase no wodze n'asem kor no a-
ra akora do ama ogya, esie atse-
mbu nye nyimpa emumuyefo see
da no.

Matthew 13:41, 42

Nyimpa Ba no bosoma n'abo-
foe na wokoaboabo dza oto fi-
ntsidua nyina ano efi n'ahenman
mu; nye hon a woye emumuye
nyina.

Nyikyerε 20:15

Na obiara a woennhu no de
wokyerew no wo nkwa nwoma
no mu no, wotoow no kyeen ogya
nsutae no mu.

ATSEMBU WO KAN

23

2 Peter 2:9

Ewuradze nyim mbre oyiya nyamesurofo fi nsahwe mu, na osie hon a wɔnntsen wo ntsɛa ase dze ko atsembu da no.

Hebrewfo 9:27

Na de mbre wɔahye ama nyimpa de owu preko, na ɔno ekyir atsembu beba no.

Ndwuma 17:31

Osiande ɔahye da bi a ɔnam ɔbarimba bi a oeyi no esi ho no do bobu wiadze atsen wo tsene-nee mu; ɔno na ɔama ɔasoer efi ewufo mu dze esi no pi ama nyimpa nyina de wɔmfa ndzi dase.

Romefo 14:12

Ntsi hen nyina bobu henankasa henho akontaa nkorkor akyere Nyankopon.

1 John 4:17

Iyi no mu na ɔdo edzi mu wo hen mu, na yaaye ndam wo atsembu da no mu; osiande de mbre ɔno tse no, mbre hen so yetse wo wiadze ha nye no.

2 Corinthfo 5:10

Na otwar de hen nyina wobeyi hen akyere Christ atsembu gua no enyim ho, ama obiara eenya dza ɔaye no nyimpadua yi mu, papa o, hon o.

Romefo 9:16

Ntsi, ommfi nyia ɔpe, anaa nyia otutu mbirika, na ofi Nyankopon a obu mbɔɔr.

1 Peter 5:5b

. . . osiande Nyankopon siw ahopɔwfo kwan, na ɔdom ahobreadzefo.

Ndwuma 4:33

Na ahɔɔzen kese na asomafo no dze gyee Jesus no wunyan ho dase, na adom kese baa hon nyina do.

2 Corinthfo 9:15

Ndaase nkā Nyankopon wo n'akyedze a onnyi akasu no ntsi.

Romefo 5:15

Na nnye mbre mbrato no tse na adom akyedze no so tse. Na se ɔbaakofo mbrato ntsi dodowara ewu a, Nyankopon adom nye adom akyedze a ɔwo nyimpa kor Jesus Christ mu no abor do ama dodowara.

2 Corinthfo 8:9

Na hom nyim hen Ewuradze Jesus Christ n'adom, de ɔye ɔhonyanyi, naaso hom ntsi ɔbeyee ohianyi, ama hom nam ne hia do aaye ahonyafo.

Titus 3:7

Ma wonam n'adom do bu hen bem a, yaaye onnyiewiei nkwa ho enyidado no edzifo.

Mbebusem 28:13

Nyia okata ne mbrato do no, onnkeye pròmpròm: Na obiara a okã to gua na opow no, obenya ehumbòbòr.

Matthew 3:2

Na osee de, Hom nnu homho, na osor ahenman no aben.

Ndwuma 17:30

Na mber a wonnyim no dze, Nyankopon buu enyi guu do, na afei dze, ohye nyimpa nyina wo mbea nyina de wonnu honho.

Luke 13:3

Mese hom de, Dabida: na mbom gyede hom nu homho, ono hom nyina behera demara.

Ndwuma 3:19

Dem ntsi hom nnu homho, na hom ndan homho, ma woaapepa hom bon efi hom ho, ma dem no ahodwee nda eefi Ewuradze enyim aba.

2 Corinthfo 7:10

Na Nyankopon kwan do awerchhow dze, oye mfihoekyir a wo dze ko nkwaye mu a wonnu ho wo ho, na wiadze awerchhow dze, oma owu.

Ndwuma 2:38

Na Peter see hon de, Hom nnu homho, na wonnuma hom nyina wo Jesus Christ ne dzin mu nko bonfakye mu, na hom benya Sunsum Kronkron no akyedze no.

Isaiah 55:7

Hom mma omumuyenyi ndan no kwan nya, na abrakyewnyi ndan n'adwen nya: na onsan mbra Ewuradze nkyen, na obohu no mbobor; na hen Nyankopon nkyen, na edze befir mbordo.

Ndwuma 5:31

Ono na Nyankopon dze ne nsa nyimfa maa no do de Safohen nye Agyenkwa, de onna Israel nnuhu nye bonfakye.

Nyikyere 3:20

Hwe, migyina abowano na morob mu: se obi tsie me ndze na obue abow no a, mebehen mu aba ne nkyen, na menye no bedzidzi na ono so nye me edzidzi.

Mark 2:5

Na Jesus hun hon gyedzi no, osee mbubuinyi no de, Oba, wozdze wo bon akye wo.

Ndwuma 13:38

Dem ntsi, enuanom, hom nhu de onam oyi do na woka bonfakye kyere hom.

Matthew 6:14

Na se hom dze nyimpa hon mfom kye hon a, hom sor Egya so dze bekye hom.

Ezekiel 18:21

Se omumuyenyi san fi ne ndze-bon a oaye nyinara ho, na odzi m'ahyedze nyinara do, na oye dza ofa mbra mu na otsen a, ase ara na obetsena, orunnwu.

Isaiah 1:16

Hom nhohor homho, hom ntsew homho; hom nyi hom emumuyedze no mfi m'enyiwa do; hom ngyaa bon ye.

2 Timothy 4:10

Na Demas ado sesei wiadze yi egya me ho esi mu ko Thessalonica; Crescens ko Galatia, Titus ko Dalmatia.

Colossaefo 3:2

Hom mfa hom adwen ngyina dza owo sor do, na nnye dza owo asaase ha.

Titus 2:11, 12

Na Nyankopon adom a odze nkwaye bre nyimpa nyina eyi

noho edzi, otsetse hen de yempa mbusubo nye wiadze akondo, na yemfa enyidado, nye tsenenee, nye nyamesompa ntsena sesei wiadze yi mu.

1 John 2:15, 16

Mma hom nndo wiadze, anaa-de ndzamba a owo wiadze. Na nyia odo wiadze, Egya no ho do nnyi no mu. Na dza owo wiadze nyina, honam akondo, enyiwa akondo, nye asetsena mu enyimnyampe, ommfir Egya no, na mbom ofir wiadze.

Ephesusfo 5:11

Na mma hom nnye sum edwuma a onnsow aba no nnye nyenko, na mbom hom ntsia.

John 10:10

Owifo no mmba gyede orubowia, na oeku, na ɔasɛɛ; emidze, mebae ma woenya nkwa, na woenya no mbordo.

1 John 2:29

Se hom nyim de ɔye tseneneenyi a, hom nhu de obiara a ɔye tsenenee no, ɔno na ɔwo no.

1 Peter 1:23

De han a wommfi aba a ɔprɔw mu, na mbom wofi dza ɔmmprɔw mu, ɔnam Nyame asem a ɔtse ase na ɔbetsena ase daa no do awo hom fofor.

Ezekiel 36:26

Mebema hom akoma fofor so, na medze sunsum fofor ahye

hom mu: na mibeyi ɔbo akoma efi hom honam mu, na mama hom honam akoma.

2 Corinthfo 5:17

Dem ntsi se obi wo Christ mu a, ɔye abɔdze fofor: ndzembra ɔdadaw no etwa mu, na hwe, ndzembra nyina aye fofor.

1 John 5:18

Yenyim de obiara a Nyankopɔn awo no ɔnnye bɔn; na mbom nyia Nyankopɔn awo no no hwe noho do, na ɔbɔn no nnkã no.

John 3:3

Jesus buae see no de, Nokwar, nokwar, mese wo de, Se wɔannwo nyimpa fofor a, orunntum nnhu Nyankopɔn ahenman no.

IWU MA BON—ESOER WO CHRIST MU 29

Ephesusfo 2:1 na 6

Na hom so sama hom enya nkwa, hom a nkye hom ye ewufo wo hom mfom nye ndzebɔn mu a. . . na oenyan hen aka no ho, na sama yenye no atsena sorsor ho wo Christ Jesus mu.

Galatiafo 5:24

Na hon a wɔye Christ Jesus dze no, wɔabɔ honam nhyedodze nye n'akɔndɔ nyina mbeamudua mu.

1 Peter 2:24

Ɔnoarankasa na ɔsoaa hen bɔn wo no honam mu kɔr dua no do, de yeewu ama ndzebɔn a, yaatse-na ase ama tsenenee; ɔno na wɔdze ne mbaa etua asa hom yarba.

Romefo 6:2 na 11

Ɔbeyɛ den na hen a yewui maa bɔn yebɛda ho atsena ase wo mu? . . . Demara so na hom mbubu homho de hom ewu ama bɔn, na hom tse ase ma Nyankopɔn wo Christ Jesus mu.

Colossaefo 3:1

Dem ntsi sɛ hom enya nye Christ asoer a, hom nhwehwe dza ɔwo sor mbre Christ tse Nyankopɔn abanyimfa.

Colossaefo 2:13

Na hom a nkye hom ewu wo hom mfom nye hom honam monomonomye mu no, hom na sama hom nye no enya nkwa, de ɔdze hen mfom nyina akye hen.

John 17:3

Na iyi nye onnyiewiei nkwa, de wobohu owo, nokwar Nyame kor no, nye nyia esomaa no, mekyere Jesus Christ.

Galatiafo 6:8

Na nyia odua ma nankasa no honam no, ofi honam mu bobu prɔwee, na nyia odua ma Sunsum no fi Sunsum mu bobu onnyiewiei nkwa.

John 5:24

Nokwar, nokwar, mese hom de, nyia otse m'asem, na ogye nyia osomaa me no dzi no, owo onnyiewiei nkwa, na oremmba atsembru mu, na mbom oetwa mu efi owu mu aba nkwa mu.

John 3:14, 15

Na de mbre Moses maa owo no do wo sar no do no, demara na otwar de wɔma nyimpa Ba no do, ma obiara a ogye no dzi no oeenya onnyiewiei nkwa wo no mu.

John 3:36

Nyia ogye Oba no ne dzin dzi no, owo onnyiewiei nkwa; nyia onndzi Oba no asem do no, orunhu nkwa, na Nyankopɔn ebufu tsena no do.

Romefo 6:23

Osiande bɔn akatua nye wu, na Nyankopɔn n'adom akyedze nye onnyiewiei nkwa wo hen Ewura-dze Christ Jesus mu.

NKWAGYE HO AWEREHYEMU

31

Romefo 8:16

Na Sunsum nankasa nye hen sunsum dzi dase de yeƷe Nyankopon mba.

1 John 3:18, 19

Me mba nkakraba, mma ye-mmfa asem anaa tekyerema nndo, na mbom hom mma yendo wo nyee nye nokwar mu. Na iyi mu na yedze bohu de yefi nokwar no mu, na yedze besi hen akoma pi wo n'enyim.

1 John 4:13

Iyi mu na yehu de yetse no mu, na onno so tse hen mu, osiande ɔama hen no Sunsum no bi.

Isaiah 32:17

Na ndzeyetsenenee edwuma beƷe asomdwee; na ndzeyetsenenee no nsusando aƷe kommye na awerehyemu daa.

Galatiafo 4:6

Na osiande hom ye mba ntsi, Nyankopon asoma ne Ba no Sunsum aba hom akoma mu a ɔtsɛa mu de, Abba, EƷya.

John 14:21

Nyia ɔwo me mbransɛm na ɔdzi do no, ɔno nye nyia ɔdo me, na nyia ɔdo me no, m'EƷya bɔdo no, na mo so mobɔdo no, na mi-beyi moho makyere no.

32 CHRIST A OWO HEN MU NO MA ENYIGYE

Ephesusfo 3:17

Ma Christ ndua gyedzi do ntsena hom akoma mu; na hom ngye ndwow na hom ntsintsim wo do mu a.

Galatiafo 2:20

Wɔabo emi nye Christ mbea-mudua mu; naaso metse ase; na nnye emi a, na Christ na otse mo mu: na ase a metse wo honam mu yi, metse no Nyankopon Ba a ɔdɔɔ me na ɔdze noho maa me no ne gyedzi mu.

Romefo 14:17

Na Nyankopon ahenman nnye edzidzi nye onom, na mbom nye tsenenee, nye asomdwee, nye Sunsum Kronkron mu dew.

Isaiah 12:3

Dem ntsi enyigye na hom dze botow nsu efi nkwaye bura no mu.

John 15:11

Makā yinom akyerɛ hom ama me dew aatsena hom mu, na hom dew aahye mā.

Ndwom 16:11

Owo na ebekyerɛ me nkwa kwan: Enyika a ɔmee wo w'enyim; Enyigye wo w'abanyimfa ho daa.

John 17:13

Na afei dze, mereba wo nkyen, na mekā yinom wo wiadze ama woenya me dew no ma wɔaahye mā wo hon mu.

Deuteronomy 11:26-28a

Hwe, medze nhyira nye ndom mirisi hom enyim nde da yi; nhyira no, se hom tsie Ewuradze hom Nyankopon mbransem a merehye hom nde da yi a; na ndom no, se hom enntsie Ewuradze hom Nyankopon mbransem. . .

2 Thessalonicafo 1:7-9

Na hom a worihiahia hom bo dze, ama hom nye hen ahomgye, wo da bi a Ewuradze Jesus Christ beyi noho efi sor, nye no tum abofo, wo gyaframee mu, na oebo-tua hon a wonnyim Nyame na wonntsie hen Ewuradze Jesus Christ asempa no wer: hon na

wobenya akatua bon, osee a onnyi ewiei, efi Ewuradze enyim, nye n'ahodzen enyimnyam no ho.

1 Samuel 12:15

Na se hom enntsie Ewuradze ne ndze, na hom tsew Ewuradze ne mbransem do etua a, ono Ewuradze nsa betsia hom, de mbre otsiaa hom egyanom no.

Romefo 6:16

Ana hom nnyim de onyia hom egyaa homho ama no de nkowaa de hom betsie no no, ono a hom tsie no no no nkowaa nye hom, se bon a odze ko owu mu o, se setsie a odze ko otsenenee mu o.

34 EBEGYE CHRIST ATO MU HIA

Luke 9:26

Osiandɛ obiara a n'enyi botō emi nye me nsem ho no, ɔno na nyimpa Ba no n'enyi botō no ho, ber a ɔdze nankasa nye n'Egya nye abɔfo kronkron enyimnyam no beba no.

Philippifo 2:11

Na tekyerema nyina mpaa mu nka dɛ Jesus Christ nye Ewuradze nhyɛ Egya Nyankopon enyimnyam.

1 John 2:23

Obiara a ɔpow Ōba no, onnyi Egya no; na nyia ɔpaa mu bɔ Ōba ne dzin no ɔwo Egya no so.

Romefo 10:9, 10

Dɛ, Sɛ edze w'ano paa mu kã dɛ Jesus nye Ewuradze, na egye dzi wo w'akoma mu dɛ Nyankopon nyaan no fii ewufo mu a, wo-bɛgye wo nkwa: na akoma na wodze gye dzi kɔ tseneneɛ mu, na ano na wodze paa mu kã kɔ nkwaye mu.

Matthew 10:32, 33

Dem ntsi obiara a ɔbɔbɔ me dzin wo nyimpa enyim no, ɔno na mo so meɔbɔbɔ ne dzin wo m'Egya a ɔwo sor n'enyim. Na obiara a ɔbɛpa me wo nyimpa enyim no, ɔno na mo so meɔbɛpa no m'Egya a ɔwo sor n'enyim.

2 Thessalonicafo 2:9

Ono a ne mbae no onam abonsam edwuma do ba, wo tum nye nsenkyeredze nye ator anwanwazdze nyina mu.

1 Peter 5:8

Hom nye enyigyen, hom nweon: osiande hom tamfo abonsam tse de gyata a a cropow nenan rohwehwe nyia obenya no amen no.

Matthew 4:1 na 10, 11

Nna Sunsum no dze Jesus kor sar no do ma abonsam no kosoo no hwee. . . Nna Jesus see no de, Fi ha fi, Satan: na woakyerew de, Sor Ewuradze wo Nyankopon, na no nko na som no. Nna abonsam

no gyaa no ho; na hwe, abofo bae bosoom no.

Ndwuma 26:18

De kobue hon enyi na kedan hon fi sum mu bra kan mu, ma woefi Satan tum mu aba Nyankopon ho, na woenya bonfakye nye egyapadze wo hon a wonam gyedzi a owo mo mu do enya a-hotsewee no mu.

Ephesusfo 6:11

Hom nhye Nyankopon akodze no nyina, na hom eetum egyina abonsam ndaadaa no enyim.

2 Corinthfo 2:11

Ma Satan eenndzi ewuramim: na ne tsirmnsem nnhuntsaa hen.

2 Corinthfo 10:4

Na hen asaye akodze nnye honam dze, na mbom nye dzen wo Nyankopon enyim de yedze bodwuruw akoban.

2 Thessalonicafo 2:8

Nna nkyii wobeyi nyia onndzi mbra biara do no akyerε, onno na Ewuradze Jesus dze n'anomu ehuhuw boku no, na odze ne mbae mfirmi ama jahera.

James 4:7, 8a

Dem ntsi hom mfa homho nnye Nyankopon ase; hom nsiw abonsam kwan, na oboguan efi hom nkyen. Hom ntwe mpin Nyankopon na abotwe epin hom.

1 John 3:8

Nyia nye bon fir abonsam, o-siande abonsam na ofi ahyese yee bon.

Romefo 8:35 na 37

Woana betsew hen efi Christ do no ho? Ahohia, anaa ahomtsew, anaa ohaw, anaa okom, anaa adagyaw, anaa amandze, anaa afowa a? . . . Naaso iyi nyina mu yenam nyia odoo hen no do dzi konyim bor do.

Hebrewfo 2:14

Na ofir de mba no wo bogya nye honam bi no, demara na no so faa mu bi, ama onam owu do aama onyia no a owo owu tum a (ono nye abonsam no) aye kwa.

Galatiafo 5:22, 23a

Na Sunsum no aba nye odo, dew, asomdwee, penkyer, ayamuyie, papaye, gyedzi, odwe, aho-hyedo. . .

John 13:35

Onam yi do na nyimpa nyina bohu de hom ye m'esuafo, se hom wo odo wo homho nkor-kor a.

1 Corinthfo 13:1

Se medze nyimpa nye abofo te-kyerema mekasa, na minnyi odo a, maye de ayewa a ogyegye nye akasaa a owosow.

John 21:16

Osee no mpen ebien de, Simon, John ne ba, ana edo me? Osee no

de, Nyew, Ewuradze, woara in-yim de modo wo. Osee no de, Hwe mo nguan.

1 John 5:3

Na Nyankopon do nye yi, de yebedzi n'ahyedze do: na n'ahyedze no nnye dzen.

1 John 4:20

Se obi ka de, Modo Nyankopon, na otan no nua a, oye otorfo, na nyia onndo no nua a ohu no no beye den ado Nyankopon a onhu no?

1 John 3:14

Hendze yenyim de yeetwa mu fi wu mu ako nkwa mu, osiande yedo enuanom no. Nyia onndo no nua tse wu mu.

Romefo 4:25

Ono na hen mfom ntsi woyii no mae, na hen abendzi ntsi wonyaan no.

Mark 16:9

Na osoer da a odzi dapen no kan no anapatutu no, odzii kan yii noho kyeree Mary Magdalene a otuu mbansam esuon fii no mu no.

John 20:26-28

Na n'ekyir ndaawotwe no, esuafo no wo dan mu bio, na Thomas ka hon ho. Na Jesus bae, na mbobow no wpatotow mu; na obegyinaa hon finimfin, na osee de, Asomdwee nkã hom! Na osee Thomas de, Tsen wo nsatseaba

bra ha bohwe me nsamu, na fa wo nsa bekã me mfemu, na mma nnye okyingyefo, na mbom ye gyedzinyi. Thomas buae see no de, M'Ewuradze nye me Nyankopon!

Ndwuma 10:39-41

Na hen nye adasefo wo ndzamba a oye wo Jewfo asaase do nye Jerusalem mu no ho; ono so na woseen no wo dua do kum no. Na Nyankopon nyaan no da a otsia ebiasa no mu, na oyii no kyeree petee, nnye oman no nyina a, na dasefo a Nyankopon eyi ato ho dada no a, hen a osoeree fii ewufo mu no ekyir no yenye no dzidzii nomee no.

WUSOER, HEN ENYIMNYAM ENY'DADO 39

Matthew 16:21

Na ofitsi aber no na Jesus hyee ase kyeree n'esuafo de ose de oko Jerusalem, na okohu amandze pii wo mpanyimfo nye asofompanyin, nye kyerewo nsa, na woeku no, na da a otsia ebiasa no asoer.

John 5:25 na 28, 29

Nokwar, nokwar, mese hom de don no reba na enya edu a ewufo betse Nyankopon Ba ne ndze, na hon a wobetse no benya nkwa. . . Mma yi nnye hom nwanwa: na don no reba a hon a wo wo nda mu nyina betse me ndze, na woefir edzi; hon a woaye papa

no, ako nkwa wunyan mu; hon a woaye dza omuo no, ako afodzi wunyan mu.

Romefo 6:3-5

Ana hom nnyim de hen a wonumaa hen hyee Christ Jesus mu no nyina, wonumaa hen hyee no wu mu? Dem ntsi wonam enuma mu esie yenye no wo owu mu, ma de mbre wonam Egya no n'enyimnyam do nyaan Christ fii ewufo mu no, demara hen so yaanantsew nkwa fofor mu. Na se yenye no abo mu kor wo no wu no saso mu a, una yenye no bobo mu kor wo no wusoer no so saso mu.

Luke 1:74, 75

Obema woeyi hen efi hen atamfo nsamu, Na yeasom no de hunnyi mu, Wo ahotsewee nye tsenenee mu wo n'enyim hen nkwan da nyina.

2 Corinthfo 7:1

Yewo dem anohoba yi ntsi, adfo, hom mma yenhohor henho mfi honam nye sunsum mu fi nyina mu, yenwie kronkron ye wo Nyankopon suro mu.

1 Peter 1:15

Na de nyia ofree hom no ye kronkron no, homankasa so nye kronkron wo asetsena nyina mu.

2 Timothy 2:15

Bo mbodzen yi woho kyere de nyia Nyame apen no, odwumayenyi a ongye de ofer, adze nokwasem no mu tsenn.

2 Timothy 2:21

Na se obi tsew noho fi iyinom ho a, obeye adze a wobu no bi, wotsew ho, owura dze ye biribi a oye yie, na woemiesie dze ama edwuma pa biara.

1 Peter 1:2

De mbre Egya Nyankopon ne nyimdada tse, wo Sunsum n'ahotsew mu, dze ka setsie nye Jesus Christ no bogyaguar mu: adom nye asomdwee ndoo so nka hom.

2 Peter 3:11

Ntsi se iyinom nyina besee dem a, nyimpa su ben na ose de hom ye, wo abrabo kronkron nye nyamesompa mu.

Matthew 3:11

Emidze, munuma hom nsu mu ko nnuho mu, na nyia odzi m'ekyir reba no no ho ye dzen kyen me, no nsokota mpo mennse de mikitsa: ono na obonuma hom wo Sunsum Kronkron mu, na gya mu.

Ephesusfo 1:4

De mbre osaan mu yii hen wo do mu ansaana worehye wiadze ase, de yenye ahotsewfo nye hon a wonndzi dzem biara wo n'enyim.

Hebrewfo 13:12

Ntsi na Jesus so, mbre obeye na odze no bogyaa atsew oman no ho no, ohun amandze wo ku- ropon no ekyir.

1 John 1:9

Se yekā hen bon kyere a, oye nokwafo nye tseneneenyi de odze hen bon nyina bekye hen, na atsew hen ho wo dza onntsen nyina ho.

Isaiah 35:8

Na otsempon beda ho, na okwan, na wobefre no Kronkron kwan; choofifo nnkefa do; na ono na wodze bema hon: akwan- tsemfo, nyew nkwasea, wonnko- fom kwan wo mu.

42 NKORŌFO A SUNSUM ÁHYE HON MA

Ndwuma 4:31

Na wowiee nkotosere no, beebi mbre woehyia ho no wosowee, na Sunsum Krɔnkrɔn hyee hon nyina mā, na wɔdze ndam kãa Nyankopɔn asem.

Romefo 8:9

Na homdze, hom nnyi honam mu, na mbom hom wɔ sunsum mu, se ɔba de Nyankopɔn Sunsum tse hom mu a. Na se obiara nnyi Christ no Sunsum a, ɔnnye nedze.

Luke 11:13

Na se hom a hom muo yi nyim mbre hom dze akyedze pa ma hom mba a, mpen ahen ara na

hom Egya a ɔwɔ sor no nnkefa Sunsum Krɔnkrɔn ama ho a wɔbisa no?

Ndwuma 11:24

Osiandɛ ɔye nyimpa pa, na Sunsum Krɔnkrɔn nye gyedzi ahye no mā; na nyimpadodow pii bekaa Ewuradze ho.

Ndwuma 1:8a

Na mbom Sunsum Krɔnkrɔn no nya ba hom do a, hom benya ahodzen; na hom beye m'adasefo ama me. . .

Ezekiel 36:27

Na medze mo sunsum behye hom mu, na mama hom anantsew m'ahyedze mu, na hom esie m'atsembudze no, na hom aye.

ANOHOBA NWANWA MA CHRISTIANFO 43

Ndwom 34:18

Ewuradze ben hon a hon ako-
ma abobo, Na ogye hon a hon
sunsum abotow nkwa.

Isaiah 66:2

Na ndzembra iyinom nyinara
me nsa na oaye, na mbre ndze-
mba iyinom nyinara yee bae nye
no, Ewuradze na ose: na nyimpa
a mobohwe no nye oyi, mekyere
onyia no a oye obobofo na sun-
sum a obobo, na no ho popo wo
m'asem ntsi no.

1 Peter 4:12, 13

Adofo, mma hom ndwen nso-
hwe gya a oaba hom mu roso
hom ahwe no ho de oye ahobo-

wsem, de adze hoho bi aba hom
do: na mbom, de mbre hom aye
Christ amandzebu fafafa no,
hom ndzi dew, na se woyi n'e-
nyimnyam edzi a, hom dze enyi-
gye ama hom ho aasepew hom
mbordo so.

Ndwom 37:3

Twer Ewuradze, na ye papa;
Tsena asaase no do, na ka no-
kwardzi do.

Nyikyere 21:4

Na obepepa hon enyiwa mu
nyinsuwa nyina; na owu nnyi ho
bio; na awerchow, nye su, nye yaw
bi nnyi ho bio: osiande nkan no
ndzembra no etwa mu.

44 ANOHIBA MA HON A WOSO HON HWE

Hebrewfo 2:18

Na de woso no hwee ma nankasa so hun amandze ntsi, otum boa hon a woso hon hwe no.

Romefo 16:20

Na asomdwee Nyankopon bodwuruw Satan wo hom ananadze ntsemara.

Ndwom 34:19

Otseneneenyi n'ahobia doo so: Na Ewuradze yi no fi ne nyinaramu.

Romefo 8:28

Na yenyim de hon a woso Nyankopon, adze adze nyina bo mu ye edwuma ma hon yie, hon a wosonam ne tsirimpow do afre hon no.

Isaiah 43:2

Se irutwa esu a, menye wonam; se idua esutsen mu a, orummunam wo: se enam ogya mu a, ennkehew; eso ogyaframee renhyew wo.

2 Corinthfo 4:17

Na hen sesei ahobia harhar yi, orisiesie onnyiewiei enyimnyam a so tra do pii ma hen.

1 Corinthfo 10:13

Nsehwe bi nntoo mom de dza nyimpa tum soa ara, a Nyankopon ye onokwafo a oremma wososo hom nnhwe nnkyen dza hom botum, na mbom adze okwan beka nsehwe no ho a wosonam mu fi nsa, ma hom eetum asow.

Nyikyere 3:5

Nyia obedzi nyim no, onoara na wobowuna no ntar fitaa; na merempepa ne dzin wo nkwa nwoma no mu, na mobobo ne dzin wo m'Egya, nye n'abofoe e-nyim.

Nyikyere 2:7

Onyia owo aso no ma ontsie dza Sunsum ka kyere asortow no. Nyia odzi nyim no, mebema no nkwadua a osi Nyankopon Paradise no, n'aba bi ma oedzi.

Nyikyere 3:21

Nyia obedzi nyim no, mebema onye me atsena m'ahengua do, de mbre mo so midzii nyim, na me-nye m'Egya tsenaa n'ahengua do.

Nyikyere 2:26

**Na nyia obedzi nyim na oeku-
ra mo ndwuma mu ekesi ase no,
mebema no amanaman do tum.**

Nyikyere 3:12

**Nyia obedzi nyim no, mebeye
no fadum wo me Nyankopon aso-
rdan mu, na orimmfi mu efir bio:
na mebekyerew me Nyankopon
dzin wo no do, nye me Nyanko-
pon kurow no ne dzin, Jerusalem
fofor a ofi me Nyankopon ho fi
sor ba asaase no, nye mankasa
me dzin fofor no.**

Nyikere 21:7

**Nyia odzi konyim no, obenya
iyinom edzi; na mebeye ne Nya-
nkopon, na ono so aye me ba.**

NYANKOPON KASA KYERE HEN WO AWARGYAA HO

Na emidze mese hom de, Obiara a obokō ne yer, na se nnye ndwamanye ntsi a, ama otō awar; na obiara a obowar nyia wōakō no no, otō awar. — Matthew 5:32

Obiara a obokō ne yer na awar fofor otō awar; na obiara a obowar nyia no kun akō no no, otō awar. — Luke 16:18

Na obaa a owo kun wodze mbra no kyer no sē no kun mber tsentsen a otse ase nyina; na se kun no wu a, wōasan no efi kun no ne mbra no ho. Dem ntsi kun no tse ase no, se odze noho kōbo

banyin bi ho a, wōbefre no owar-tofo, na se kun no wu a, oedzi noho efi mbra no ho, ma odze noho kōbo banyin bi ho a, onnye owar-tofo. — Romefo 7:2, 3

1 Corinthfo 7:10, 11 na 39

Na awarfo dze, mehye hon (nnye emi a, na mbom Ewuradze a) de mma obaa nngyaa no kun (na se ogyaa no a, ondzi sigyaw; annye dem a, onye no kun nkōbo mu); na mma okun so nnkō ne yer. . . Ber tsentsen a obaa no kun tse ase no wōakyekyer no, na se no kun ka beebi a, nna odzi noho de owar obiara a ope, Ewuradze mu nko na onye.

Nyikyere 3:11

Mereba ntsem: suo dza ewo mu dzen, mma obi aanngye w'ahenkyew.

Matthew 24:30

Na ono na nyimpa Ba no n'asenkyeredze bopue wimu, na wiadze mbusuakuw nyina bedzi nkombɔ, na wobohu nyimpa Ba no de oreba wo sor nsuwusiw do, wo ahodzen nye enyimnyam kese mu.

John 14:3

Na se moko, na mikesiesie beebi ma hom a, mebeba bio mabefa hom ako mankasa me nkyen, na mbre mowo no, hom so aaba ho.

Matthew 24:27

Na de mbre enyinam nyinam fi boka, na ohyeren ko anee no, mbre nyimpa Ba ne ba so beye ara nye no.

Mark 8:38

Osiande obiara a n'enyi botō emi nye me nsem ho wo awartofonye ndzebonyefo santsen yi mu no, ono so na nyimpa Ba no n'enyi botō no ho, ber a onye n'abofoe kronkron beba wo n'enyimnyam mu.

James 5:8

Hom so nye abotar; hom nhye hom akoma dzen, osiande Ewura-dze ne mbae aben.

48 CHRIST NE MBAE A OTSIA EBIEN

Luke 21:27

Ɔno na wobohu nyimpa Ba no de ɔreba wo nsuwusiw do, wo ahodzen nye enyimnyam kese mu.

Hebrewfo 9:28

Demara na Christ so a wodze no boɔ afɔr preko de ɔnsoa nyimpa pii hɔn no, obokwetsi hɔn eyi noho edzi ne mpɛn ebien akyerɛ hɔn a wɔtweɔn no dze hɔn ako nkwagye mu.

1 John 3:2

Adɔfo, afei yeyɛ Nyankopɔn mba, na mbre yebeyɛ no nnyae nndaa edzi, na yenyim de, se oyi noho edzi a, yebeyɛ de ɔno, osi-ande yebohu no de mbre ɔtse.

Nyikyere 16:15

Hwe, mereba de owifo. Nhyira nye onyia ɔweɔn, na osie ne ntar, amma ɔaanantsew adagyaw na woennhu n'ahoto.

Ndwuma 1:11

Na wakãe so de, Galilee mbarimba, Ɔye den na hom gyina rohwe sor yi? Jesus yi ara a wɔafa no efi hom nkyen ko sor yi, ɔbeba demara de hom ehu de ɔroko sor yi.

Matthew 16:27

Na nyimpa Ba no dze n'Egya n'enyimnyam nye n'abɔfoe beba; na aber no na obotua nyimpa nyina kaw de mbre hɔn ndzeyɛ tse.

NYANKOPON N'ASEM

Deuteronomy 4:2

Mma hom mmfa hwee nnkā asem a merehye hom yi ho, nkyii so mma hom nyi do bi, na hom eedzi Ewuradze hom Nyankopon mbranseṃ a merehye hom yi do.

Ndwom 119:89

Ewuradze, daapem, Na w'asem etsim sor ho.

2 Timothy 3:16

Kyerewsem biara fi Nyame ahom mu, na oye ma nkyerekyerε, nkaenyim, ntsēa, nye tsenenee mu ntsetsee.

Ndwom 119:105

W'asem ye kandzea ma m'anan, Na kan ma mo kwan.

Ndwom 119:11

W'asem na medze mahye m'akoma mu, Amma maannyε bon enntsia wo.

Matthew 22:29

Na Jesus buae see hon de, Hom fom do, hom nnyim kyere-wsem nye Nyankopon ahoodzen ntsi.

Luke 21:33


Osor nye asaase botwa mu ako; na me nsem dze, worunntwa mu ako.

2 Peter 1:21

Na nkonye bi nduaa nyimpa pe, do mmbaa pen: na nyimpa fi Nyame mu kasaa de mbre Sunsum Kronkron kaa hon.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

WORLD MISSIONARY PRESS, INC.
BOX 120
NEW PARIS, INDIANA 46501 U.S.A.



Ghana
c/r
Cape Coast

99 Fante